

Guillaume de Machaut - Douce Dame Jolie

Tom: G

Douce dame jolie
 Pour dieu ne pensés mie
 Que nulle ait signorie
 Seur moy fors vous seulement

Qu'adès sans tricherie
 Chierie
 Vous ay et humblement
 Tous les jours de ma vie
 Servie
 Sans villain pensement

Helas! Et je mendie
 D'esperance et d'aïe
 Dont ma joie est fenie
 Se pitié ne vous en prent

Douce dame jolie
 Pour dieu ne pensés mie
 Que nulle ait signorie
 Seur moy fors vous seulement

Mais vo douce maistrie
 Maistrie
 Mon cuer si durement
 Qu'elle le contralie

Et lie
 En amour tellement
 Qu'il n'a de riens envie
 Fors d'estre en vo baillie
 Et se ne li ottrie
 Vos cuers nul aligement

Douce dame jolie
 Pour dieu ne pensés mie
 Que nulle ait signorie
 Seur moy fors vous seulement

Et quant ma maladie
 Garie
 Ne sera nullement
 Sans vous, douce anemie
 Qui lie
 Estes de mon tourment

A jointes mains deprie
 Vo cuer, puis qu'il m'oublie
 Que temprement m'ocie
 Car trop langui longuement

Douce dame jolie
 Pour dieu ne pensés mie
 Que nulle ait signorie
 Seur moy fors vous seulement

Acordes

